

**S.D.N.D. URBANI DIUINA  
PROUIDENTIA PAPAE 8.  
CONFIRMATIO BULLAE  
GREGORIJ 15. DE  
ELECTIONE ROMANI...**

---

Urbanus 8.>, Josè Maria Fonseca de  
Evora, Philip Gruther, Rondinini cardinale

S. D. N.

**D. V R B A N I**  
**DIVINA PROVIDENTIA**  
**P A P Æ V I I I.**

Confirmatio Bullæ Gregorij XV. de electio-  
ne Romani Pontificis, & Cæremonialis  
continentis illius ritus.



---

R O M A E, Ex Typographia Reuerendæ Cam. Apostolicæ.  
M. D C. X X V I.

1917

1917

1917

1917

1917

1917

1917

VRBANVS EPISCOPVS<sup>3</sup>  
SERVVS SERVORVM DEI.

*Ad perpetuam rei memoriam.*



D Romani Pontificis prouidentiam spectare dignoscitur, vt ea, quæ salubriter à prædecessoribus suis, præsertim Sedis Apostolicæ, & vniuersalis Ecclesiæ decori, & vtilitati conductia statuta sunt firma, & inconcussa quantum ex alto conceditur perseuerent. Cum igitur formam in eiusdem Pontificis electione seruandam Sacrorum Conciliorum decretis, & varijs Apostolicis constitutionibus sæpius præscriptam felicitis recordat. Gregorius Papa XV. prædecessor noster pastorali sollicitudine permotus, vt res tanti ponderis postulabat perfectius dirigendam duxerit Constitutione desuper edita cuius tenor est talis, Gregorius Episcopus seruus seruorum Dei. Ad perpetuam rei memoriam. Aeterni Patris, Filius, Magister, & Legislator Christus Dominus, cuius omnis actio, nostra est instructio, licet portaret omnia verbo virtutis suæ, nec esset quicquam absconditum ab oculis eius, tamen priusquàm ad Apostolatus munus duodecim Apostolos eligeret, & nominaret, quod aliàs vnquam fecisse in scripturis non legimus, pernoctare voluit in oratione Dei: & antequam B. Petro ouium suarum curam committeret, tertium repetita interrogatione, trinquam extare æterni amoris eius professionē, Nos scilicet erudiens quanta diligentia, cautione, & cura in omnium Pastorum electione adniti debeamus, vt boni eligantur, & fideles; præsertim verò in B. Petri Successoris, qui Orbis est lumen, Doctor gentiū, & Pastor Pastorum. Quapropter satis etiam admonemur nihil eorum, quæ ad electionis Romani Pontificis negotium cautius & melius transigendum conducunt, omitti debere: salus enim non vnus membris, sed totius corporis agitur, cum de capite consulitur. Igitur & si diuersis fel. record. Romanorum Pontificū prædecessorum nostrorum, & SS. Patrum decretis salubriter prouisū est, vt eius electio ritè, & rectè peragatur, & in ea non caro &

sanguis, aut humana sapientia, quæ stulticia est apud Deum dominetur, sed Spiritus sancti gratia omnia dirigantur, & gubernentur: nihilominus, ut dies diei eructat verbum, & nox nocti indicat scientiam, experientia compertum est salubriori remedio locum non deesse. Nos igitur quos posuit Dominus, licet nullis suffragantibus meritis, regere Ecclesiam suam, ne in extremo die prætermissi officij in re tanti momenti à nobis ratio à districto Iudice exigatur, quod multorum etiam votis, & postulationibus multum expetitur est, Sancti Spiritus adspirante gratia, faciendum decreuimus. matura itaque cum Venerabilibus fratribus nostris S.R.E. Cardinalibus deliberatione habita de eorundem fratrum consilio pariter, & assensu, ac nostra perpetuò valitura Constitutione, statuimus, decernimus, & declaramus in posterum electionem Romani Pontificis fieri aliter non posse, quam in Conclauis, & eo clauso, ac post celebratum in eo prima die Sacrosanctum Missæ solitum Sacrificium, cui Cardinales interesse, & in eo communicare consueuerunt, ac per secreta Scedularum suffragia duarum ex tribus partibus Cardinalium, in Conclauis præsentium, præterquam si omnes, & singuli Cardinales similiter in Conclauis præsentibus, nemine dissentiente, aliquibus ex eorundem Collegio Cardinalium committerent eligendi potestatem, ut vice omnium Ecclesiæ Catholicæ prouiderent de Pastore: aut nisi communiter ab omnibus, & singulis Cardinalibus, qui itidem in Coclauis præsentibus erunt, nemine pariter dissentiente, quasi per inspirationem, nullo præcedente de persona speciali tractatu, per verbum Eligis, intelligibili voce prolatum, aut scripto, si voce fieri non potuerit, expressum, fuerit celebrata. Numerum autem Suffragiorum duarum ex tribus partibus Cardinalium in Conclauis præsentium, ut electio per viam Scrutinijs, siue Scrutinij, & accessus valida sit, decernimus, & declaramus ita esse censendum, ut in duabus tertijs partibus Suffragiū electi non numeretur, nec quisquam siue Scrutinij, siue scrutinij & accessus, siue compromissi via procedatur, seipsum eligere, seu suffragium sibi dare vllatenus possit: Electi tamen persona, si in Conclauis sit, debeat in numerum Cardinalium computari. Rursus nemo per viam Scrutinijs, seu Scrutinij & accessus habeatur pro electo, nisi publicatis omnibus suffragijs, & electi, si numerum tantummodo duarum ex tribus parti-

5  
bus habuisse compertum sit, etiam schedulis apertis. Ac si con-  
tingat plures in schedulis nominatos, duas tertias partes suffra-  
giorum tulisse, in suffragiorum paritate neuter sit electus, in im-  
paritate vero, qui numero suffragiorum superior erit, dummodo  
duas tertias partes, etiam in vno suffragio excedat electus censea-  
tur. Insuper in vno quoque Scrutinio antequam Scheda in cali-  
cem mittatur, à quolibet Cardinale iuramentum alta, & intelligi-  
bili voce fiat his verbis: Testor Christum Dominum, qui me iu-  
dicaturus est, me eligere quem secundum Deum iudico eligi de-  
bere, & quod idem in accessu præstabo. Et hoc iuramentum à  
nullo omittatur. Suffragiorum autem Schedulæ huiusmodi tam  
Scrutiniij, quàm accessus, ubi fieri potuerit, impressæ omnino esse  
debeant, ubi non potuerit, vnius tantum manu scriptæ sint, ita vi-  
delicet, vt tam impressæ, quàm ita scriptæ, ea omnia, quæ in Schedu-  
lis huiusmodi exprimi solent, contineant, præter sola nomina,  
seu denominationes eligentis, & electi, & infrascripta signa, quæ  
omnia manu eiusdem eligentis scribantur: & nomen quidem eli-  
gentis in prima parte Schedulæ, electi vero in sequenti; & rursus  
electi, quantum fieri poterit caractere alterato, ita vt cognosci nō  
possit: eaq. Schedulæ pars in qua erit eligentis nomen claudatur,  
ac sigillo ad hoc parato, ac secretè habito, non autē eo quo quisque  
vti solet, obsignetur. Vt autem videri possit, ne qui alicui accessit,  
eidem in Scrutiniio suffragium dederit, Schedulæ omnes duobus  
alijs signis in vltima parte signentur, numero nempe aliquo, &  
breui dicto Sacræ Scripturæ, vel alio huiusmodi; quæ signa in  
vtraque Scheda tam Scrutiniij, quàm accessus eadem sint. Postea  
verò pars illa Scheda, ubi hæc signa erunt, etiam complicitur,  
& obsignetur, ne à Scrutatoribus videri possit, nisi postquā fuerit  
per Scrutinium, & accessum electio perfecta; quo casu Schedulæ  
accessus à Scrutatoribus ea in parte, ubi duo prædicta sunt signa,  
aperiantur, ipsæque inspectis, & earum sigillis, aliæ Schedulæ cum  
ijsdē signis notatæ, & in Scrutinio datæ reperiantur, vt videlicet  
an duo hæc signa, & sigillū eadem sint cognoscatur, & inde duo  
suffragia ab eodem Cardinali vni data non fuisse appareat. At si  
inter Schedulas Scrutiniij nulla reperietur ijsdē signis notata, qui-  
bus Scheda Accessus signata erit, aur si quis eidem accesserit,  
quem in Scrutinio nominauerit, vtroque casus suffragium accessus  
nul-

nullum sit. Subscriptio autem, seu nomen eligentis resignari non  
 possit, nisi contingat, vt sigillum, & alia duo prædicta signa sint ea-  
 dem cū signis, & sigillo alicuius alterius Cardinalis, aut alia dif-  
 ficultate cogente. Quod autem attinet ad nomen electi, illud eo  
 modo à Cardinalibus scribatur, quomodo in folio impresso, vbi in  
 Conclauinotari suffragia solent. Præterea, vt secreto cautius con-  
 sultatur, Schemulæ suffragiorum conficiantur, vna, seu pluribus in  
 mensis, in media Capella constitutis, ita à Cardinalibus remotis,  
 & circumseptis, vt quid scribatur ab alijs videri non possit. Si quis  
 verò ad mensam accedere, impeditus valetudine non poterit is  
 suffragium suum in loco suo secretè conficere debeat, & ad illud  
 accipiendum vltimus Scrutatorum accedat. Et vt accessus secretè  
 etiam peragatur, Scrutinio publicato, si electio per consensum dua-  
 rum partium in eo non fuerit celebrata, statim antequam ad alios  
 actus deueniatur, Cardinales Schemulam pro accessu formatam præ-  
 dictis in mensis conficere, sicut in Scrutiniis teneantur. Porro vsus  
 Schemularum pro accessu talis erit. Qui accedere alicui ex nomi-  
 natis in Scrutinio voluerit, eius nomen scribet, qui verò noluerit,  
 ne cognosci possit eum nulli accedere, in loco nominis scribat  
 Nemini. Nulli autem tam in Schemula Scrutinijs, quam accessus  
 plures nominare liceat, alioquin suffragium in quo plures fue-  
 rint nominati nullum sit: accedere tamen vni ex nominatis à se  
 in dicta Schemula, vel alij, dummodo aliquod aliud suffragium in  
 eodem Scrutinio tulerit, non prohibeatur, & in numerum Car-  
 dinalium in Conclauis præsentium numeretur. Neque in quolibet  
 Scrutinio, nisi semel accedere liceat; neque per accessum ab al-  
 terius nominatione, in Scrutinijs Schemula facta, recedi decerni-  
 mus, & declaramus. Insuper antequam Schemulæ, siue Scrutinijs,  
 siue Accessus à Scrutatoribus aperiantur, omnes ab ijs diligentis-  
 simè palam numerentur, & si plures repertæ fuerint, quæ sint Car-  
 dinales in Conclauis præsentibus omnes comburantur, & iterum ad  
 suffragia statim deueniatur. Si quis autè aliquid ex supra expres-  
 sis non seruauerit, aut quomodocumque directe, vel indirectè in ali-  
 quo contrauerit, sententiam excommunicationis ipso facto in-  
 currat. Præterea statuimus, & ordinamus, quod si aliquem infirmi-  
 tas impediuerit ad Scrutinium venire, ad eum adire debeant tres  
 Cardinales, sorte ante Scrutinium, vt infra ad hanc rem ex omni-  
 bus

7

bus Cardinalibus per vltimum Diaconorum extracti, cum capsula perforata, sed inani, & palam à Scrutatoribus clausa, cuius clauis super altare remaneat, & Schedulam impressam illi deferre, ipsaq. illam, sicut alij Cardinales, prauo iuramento superscripto, secretè conficete teneatur, deinde in capsulam conijciat, eaq. per eosdem Cardinales relata, & aperta, in calicem Schemata mittatur, Publicato deindè Scrutinio, si accessus agendus erit, vt etiam Infirmi accedere possint, vnum ex folijs in quibus nomina Cardinalium, & suffragiorum numerus notatur à tribus Cardinalibus predictis sumatur, & palam recognito numero suffragiorum, quæ quisque in Scrutinio tulerit, ad infirmum vnà cum alia impressa Schemata, pro accessu parata, & cum eadem capsula ab ijs deferatur. Infirmus verò alicui accedere, vel nemini accedere debeat, omniaq. & singula seruentur, quæ de Scrutinijs Schemata supra ordinata sunt, sub eadem excommunicationis latæ sententiæ pœna. At si quis scribere valetudine impediatur, per alium prauo iuramento ab eo qui scribere præstando, de seruando secreto, quod sub eadem excommunicationis pœna seruari mandamus, scribere libere possit. Ad hæc Scrutatores, sicut & tres alij Cardinales; qui ad Infirmitatis suffragia deferenda proficiscuntur, ex omnibus Cardinalibus præsentibus in Conclauis, nulla ordinis seruata distinctione, sorte, immediatè ante quodlibet Scrutinium per vltimum Diaconum extrahantur, & qui semel extracti fuerint, in vas iterum conijciantur; alioquin si quis contrafecerit, sicut si Scrutatores, vel Recognitores aliquid secreti in exercendo suo officio cognouerint, & illud reuelauerint, eandem latæ sententiæ excommunicationem incurrant. Finito Scrutinio, & accessu, sine electio sequuta sit, siue non sit; tres alij Cardinales, sorte pariter, vt supra extrahendi, Schematas omnes recognoscere debeant, sigillo tamè, & duobus alijs signis, si aperta non fuerint intactis remanentibus. Quæ omnes, & singulæ Schematas, siue sequuta, siue non sequuta electione, postmodum statim palam comburantur. Similiter ne electio protrahatur statuimus, & ordinamus, vt sub simili excommunicationis pœna, eo ipso incurrenda, Scrutinium bis singulis diebus peragatur, ita vt etiam perficiatur, mane scilicet post solitam missam, & prima quidem die tantum post Cardinalium horam peractam Communionem, & pomeridiano tempore hora

oppor-



opportuna, post Hymnum Veni Creator Spiritus, & orationem de Spiritu sancto: idemq. si compromissi via eligatur, observari debeat: atque ad Scrutinium cum tertium pulsata per loca solita Conclavis campanula de more fuerit, omnes, & singuli Cardinales convenire debeant, valetudine non impediti, sub eadem excommunicationis late sententiæ poena Cardinales præterea omnino abstineant ab omnibus pactionibus, conventionibus, promissionibus, intendimentis, conditiis, foederibus, alijsq. quibuscunque obligationibus, minis, signis, contrasignis suffragiorum, seu Scedularum, aut alijs tam verbo, quam scripto, aut quomodo-  
cunque dandis, aut petendis, tam respectu inclusionis, quam exclusionis, tam vnius personæ, quam plurium, aut certi generis, veluti creaturarum, aut huiusmodi, seu de suffragio dando, vel non dando, quæ omnia, & singula, si de facto interuenerint, etiam iuramento adiecto, nulla, & irrita, neque ad eorum obseruantiam, quemquam teneri, aut ex transgressione notam incurrere fidei non seruata decernimus, & declaramus; contrafacientes ex nunc excommunicationis poena innodamus: tractatus tamen pro electione habendos vetare non intelligimus. Quod si electio huiusmodi alibi celebrata fuerit, quam in Conclauis clauso, vel aliter, quam per secreta Scedularum suffragia duarum ex tribus partibus Cardinalium, in Conclauis præsentium in Scrutinio, seu Scrutinio & accessu, electi suffragio non computato, vel per viam compromissi, ab omnibus Cardinalibus similiter in Conclauis præsentibus, nemine dissentiente initi, & ita vt nemo seipsum elegerit: vel quasi per inspiratione nullo præcedente de persona speciali tractatu, omnium pariter Cardinalium, præsentium in Conclauis, communiter, nemine itidem dissentiente, per verbum, Eligo, intelligibili voce prolatum, aut scripto, si voce non potuerit, expressum, nulla sit, & inualida eo ipso, absque vlla declaratione, & ita electo nullum ius tribuat: quinimo is non Apostolicus, sed Apostaticus sit, & habeatur, & tam ipse, quam eligentes, eiusque fautores, & complices sententiam excommunicationis, & anathema, aliasque censuras; & poenas inuasoribus Sedis Apostolicæ à Sacris Canonibus, & Constitutionibus Apostolicis impositas, pariter ipso facto incurrant, à qua sicut ab alia quacunque in hac Constitutione imposita, & irrogata, seu infra imponenda, & ir-

9

roganda poena excommunicationis tam ipsi, quam quilibet alius, siue S. R. E. Card. siue alia persona cuiuscunq. gradus, conditionis, dignitatis, & præminentia; à nullo, neq. etiam à maiori Poenitentiario, cuiuscunq. facultatis vigore, præterquam à Rom. Pontifice, nisi in mortis articulo absolui possit, & tam ipse, eiusq. cõplices, & fautores, quàm alij quicunq. etiam S. R. E. Cardinales huius Constitutionis in aliquo transgressores alijs grauissimis poenis teneantur, futuri Pontificis canonicè intrantis arbitrio irrogandis. Postremò statuimus, & districte præcipiendo mandamus, vt S. R. E. Cardinales, quæcunq. secretum violare quomodolibet poterunt, omnia euitare, & cauere omninò teneantur, cum intentio, & mens vestra sit electionis huiusmodi tam sanctum negocium, si fiat per Scrutinium, seu Scrutinium, & accessum, vt præfertur, secretissimè transigatur, ac proinde, ijsdem omnibus, & singulis S. R. E. Card. & eorum Sacro Collegio inhiibemus, ne contra hæc, vel horum aliquod statuere, disponere, vel ordinare, seu in aliquo corrigere, alterare, mutare, seu aliquo modo facere, tractare, moliri, vel attentare præsumant quouis prætextu, causa, vel exquisito colore sub eadem excommunicationis poena ipso facto incurrenda. Vt autem huiusmodi nostra Cõstitutio inuiolabilius obseruetur, tres Cardinales, qui singulis diebus Congregationibus agendis præpositi sunt, & cum ijs S. R. E. Camerarius illam in omnibus, & per omnia obseruari procurent, & faciant. Volumus etiam, & decernimus, censuramus, & excommunicationum prædictarum, & aliarum quarumcunq. prætextu, vel causa Cardinales à Summi Pont. electione actiua, & passiuà excludi nullo modo posse, quas quidem censuras, & excommunicationes ad effectum huiusmodi electionis tantum, illis alias in suo robore permanens, suspendimus: decernentes easdem excommunicationes, & censuras eos solum afficere, qui deliquerint, nò autem alios Conclauì durante, qui cum ijs cõuersati fuerint. Còterum, & si opus non esse in Domino confidimus, tamen pro officij nostri debito, & rei de qua agitur grauitate, admonemus, hortamur, & in Domino obsecramus S. R. E. Cardinales, vt attentè considerent personæ quæ sustinent, officium, & dignitatem, quam Sacrum prætereà, & quanti momenti sit opus, quod tractant, & nihil quod se non deceat, nihil à re alienum committant, sed cogitent,

tent,quam perniciosum futurum sit vniuersę Ecclesię,Christi sanguine acquisitę,si malę administretur; ac proinde exuant omnes mundanas curas, & induant solum Dominum Nostm IESVM Christum memores nihil prodesse homini si vniuersum mundum lucretur,animę verò suę detrimentum patiatur. Deniq. animum aduertant se in Conclauī clausos editissima in specula cōstitutos esse,& factos spectaculum Deo,& hominibus à Domino,cuius negocium gerunt, supplicij, vel glorię sempiternę retributionem citissimę laturos. Non obstat quatenus opus sit fel. rec. Alexandri Papę III. pręde. nostri in Concilio Lateranenē edita, quę incipit, Licet de vitanda,& aliorum Rom. Pont. prędec. nostrorum, & in Concilijs generalibus promulgatis cōstitutionibus, & ordinationibus Apostolicis, etiam in corpore iuris clausis, quibus omnibus, & singulis quatenus pariter opus sit, eorum omnium, & singulorum tenores,perinde,ac si ad verbum exprimerentur,pro expressis, & insertis habentes,pro hac vice dumtaxat, illis alias in suo robore permanens, specialiter,& expresse derogamus,ceterisq. contrarijs quibuscunq. Volumus quoque præsentes nostras coram omnibus in primā Congregatione post obitum Pontificis fieri solita, & deinde post Conclauis ingressum, & cum quis ad Cardinalatus honorem promotus fuerit, cum alijs similibus Cōstitutionibus legi, & iuramentum super illius obseruatione præstari, & ita præcipimus,& mandamus. Quibus Constitutionibus, & pœnis in eis contentis, nisi in superius expressis per hanc nostram derogare non intendimus, sed eas in sui roboris firmitate relinquere. Sperantes etiam quod Rom. Pont. qui pro tempore canonicę eligentur, omni studio curaturos, vt quę nostris huiusmodi,& in eis salubriter statuta sunt, inuiolabiliter, ac etiā si opus fuerit per pœnarum ipsarum contra transgressores executionem obseruentur. Deniq. volumus easdem præsentes in valuis Basilicarum S. Ioannis Lateranen, ac Principis Apostolorum de Vrbe, ac Cancellarię Apostolicę, necnon in acie Campi Florę per Cursōres nostros affigi, & publicari, ac earum exempla ibidem affixa dimitti, & deinde omnes, & singulos Cardinales tam absentes quā præsentes, modernos,& qui pro tempore erunt, & alios quoscunq. quorum interest, vel interesse poterit quomodolibet in futurum afficere,& ligare, nullamq. harum ignorantiam prætere posse,

posse, ac si eis personatiter intimata forent præmissis cæterisque contrarijs quibuscunq. non obstantibus. Nulli ergo omnino hominum liceat hanc paginam nostrorum Statutorum, Decretorum, Declarationum, Mandatorum, Innodationis, Voluntatis, Admonitionis, Hortationis, Obsecrationis, Inhibitionis, Derogationis, Præcepti, & Suspensionis infringere, vel ei ausu temerario contraire. Si quis autem hoc attentare præsumpserit indignationem Omnipotentis Dei, ac Beatorum Petri, & Pauli Apostolorum eius se noverit incursum. Dat. Romæ apud S. Petrum Anno Incarnat. Dominicæ millesimo sexcentesimo vigesimo primo, decimo septimo Kal. Decembr. Pontificatus Nostri Anno Primo. Et successivè idem Gregorius prædecessor Cæremoniale ritus dictæ Electionis continens de eius mandato compositum confirmaverit, cuius tenor sequitur, Gregorius Episcopus servus servorum Dei, Ad perpetuam rei memoriam. Decet Romanū Pontificem, quæ ad Ecclesiæ Catholicæ felix regimen, salubriter à se statuuntur, ut quàm facillimè obseruentur, pastoralis sollicitudine providere, & ea, per quæ à se decreta debitum sortiuntur effectum stabilire. Siquidem postquam novam Constitutionem de Romani Pontificis electione, ob causas in ea expressas, diuina aspirante gratia edidimus; ne eius usus, & observantia, veteri Rituali Ecclesiæ Romanæ ferè inutili ob eandem Constitutionem reddito, proprii Cæremonialis directione destitueretur; novum; prout sequitur, confici mandavimus. Quod, cum post nonnullorum S. R. E. Cardinalium, quibus negotium cōmisimus, diligens, ut res postulabat, adhibitum examen, confectum fuerit, & à nobis approbatum; ut illud cum omnibus, & singulis in eo contentis, inviolabiliter observetur, ex nostri pastoralis officij debito, providendum censuimus. Tenor autem illius est, qui sequitur Rom. Pont. vita functo, Cardinales præstito in prima Congregatione iuramento de observanda Constitut. Gregorij Papæ XV. de reformatione Conclavis, vñ cum alijs Constitutionibus, quæ legi, & iurari in ea hætenus cōsueverunt, exequias, pro eius anima iuxta ritum hucusque observatum, per novem continuos dies facere debent, nisi fortè in illis novem diebus aliquod festum ex præcipuis, & magnis incideret, propter cuius observantiam, exequias intermitteri debere Cardinalibus videretur, hoc enim casu in numero quidem

nouem dierum, exequiarum intermissarum dies computentur: verum impensa quæ in omnis exequijs facienda esset, in pauperes Christi iuxta Pij IV. Constitut. distribuenda est. Qua etiam Constitutione, vt exequiarum impensis, quæ iam in immensum excreuerant, modus, & finis aliquis esset, cautum est, ne impensæ illorū nouem dierum, decem ducatorum millium summam, computatis omnibus, præter regalia Populo Romano præstari solita, excederent, & vt earum impensarū distributio, iuste fieret, tribus ex antiquioribus Cardinalibus vni scilicet ex quolibet ordine, ac S. R. E. Camerario, cōmissa fuit. Exequijs defuncti Pontificis completis, & interim Conclauis opportuno præparato, Cardinales in Basilica S. Petri, vel alibi pro temporis, & loci opportunitate conueniunt, vbi per Decanum Sac. Collegij, vel eo impedito, per alium ex antiquioribus Cardinalibus Missa de Spiritu sancto celebratur, & in fine per aliquem Prælatū, aut aliū virum doctū habetur oratio, in qua monetur, vt sepositis omnibus priuatis affectibus, solū Deum præ oculis habentes, S. Rom. & vniuersalis Ecclesiæ de Pastore sufficienti, & idoneo providere, omni qua possunt breuitate, & diligentia curent, ad Apostolicarum Constitutionū, & Sac. Conciliorum præscriptum. Re diuina peracta, Clericus cæremoniarum capit Crucem Papalem, & procedit quem Cardinales sequuntur, Episcopi primū, deinde Presbyteri, postremò Diaconi cum suis cappis violaceis: Crucem præcedunt familiares Cardinalium, & immediate cantores (Hymnum, Veni creator Spiritus cantantes) post Cardinales, sequuntur Prælati, atq. ita processionaliter procedentes, cōclauē ingrediuntur, & cum ad Capellam peruenierint, Cardinaliū Decanus apud Altare dicit orationē. (Deus qui corda fidelium) qua finita leguntur, & iurantur per Cardinales Constitutiones de Rom. Pontificis electione, & vnā cum eis Constitutio nouissima Gregorij XV. Deinde Cardinales post sermonem habitum per Decanum, quos eos conuenientibus verbis ad electionis negotium ritè, & rectè peragendum hortatur, ad cellas sorte inter eos iuxta Constitut. Pij IV. distributas, diuertunt: & post prandiū omnes rursus simul congregantur, & Officiales conclauis, & alij præstant Sacro Collegio iuramenta consueta. Cardinales autem ingressi conclauē non exeant, vespere reuersuri, sed in ipso, omnino permancant. Ipsumq. conclauē, post ter iussu Cardinalis Decani

cani personatam campanulam, videlicet prima vice circa primam horam noctis, secunda circa secundam, & tertia circa tertiam, exclusis omnibus, qui in conclauī remanere nō debent, intus, & extra claudatur, & clauēs S. R. E. Camerario, ac Magistro cæremoniarum, & Prælatis custodibus conclauis iuxta solitum assignentur. Deinde accensis funalibus, tres Cardinales capita ordinum, & Camerarius, vnā cum Magistro cæremoniarum latebras, & angulos omnes conclauis diligenter perquirunt, ne quis ex ijs, qui esse in conclauī prohibentur, intus remanserit. In cōclauī autem, esse possunt familiares Cardinalium, & alij officiales, & ministri conclauis, qui in Constitutione Pij IV. recensentur, quibus adduntur duo alij, vnus famulus pro Magistris cæremoniarum, & alius pro Secretario sacri Collegij, hac tamen cōditione adiecta, vt famulus Magistrorum cæremoniarū, actu vni ex illis inferuiat, & per sex menses ante, fuerit eius continuus commensalis, quæ conditio in famulo Secretarij similiter exigitur, omnium autem istorum cōclauistarum, post prandium diei sequentis, fit recognitio, ne quis, inter illos fortè esset ex ijs, qui in conclauī esse non possunt, quæ recognitio, vt certius fiat, iubentur cōclauistæ omnes intrare capellā, & postea singillatim recēsentur. Clauso conclauī, seruari debent omnia, quæ de colloquijs literis, & cibis, & quæ de non ingredientibus Cardinalibus, aut ijsdem, aut eorum familiaribus postquam ingressi sunt exeuntibus, in Constitut. Pij IV. sancita sunt. Quod verò attinet ad vestes, non solum cū ad electionem Cardinales procedunt, croceis vti debent, sed iuxta vetus Cæremoniale, cū aliquid collegialiter agendum est. Porro capitula, quæ ante electionem fieri solent à singulis Cardinalibus subscribenda, etiam ad fauorem conclauistarum fieri poterunt, vel ante ingressum conclauis, vel post ingressum, dummodo per ea nō retardetur, aut differatur ingressus, vel electio. Quoniam autem iuxta Constitutionem Pij IV. Cardinales, qui saltem in ordine Diaconatus constituti non sunt, ad electionem Rom. Pontificis nō admittuntur, inspiciendum erit antequam ad electionis negociū procedatur, an aliqui ex Cardinalibus presentibus ordine prædicto careant, nam si careant, à suffragio ferendo excludendi erunt, nisi priuilegio Pontificio muniti sint. De Cardinali autem, cui ante mortem Pontificis, os fuit clausum, aliquando dubitatum est

est, verum à Pio V. fuit hæc dubitatio sopita per eius decretum, editum 26. Ianuarij 1571. quo declarauit huiusmodi oris clausuram, caremoniam quandam esse, ea de causa introductam, vt Cardinales, antequam in Consistorijs, & Congregationibus suffragiū ferant, de modestia, quæ ab ipsis in his, & alijs actibus adhiberi debet, quodammodo admoneantur, non autem pertinere ad præcipuam Cardinalium facultatem, quæ circa Summi Pontificis electionem versatur, quæ declaratio Pij V. semper hucusq. obseruata fuit. Quoniam autem ex Gregoriana Constitut. ad actum electionis sub poena nullitatis deuenire non possunt Patres, nisi clauso conclau: tres Cardinales, & Camerarius eiusdem Constitutionis executores deputati providebunt, vt statim post clausum conclaue, diligens per aliquos fiat inquisitio super ipsa clausura, eaq. in effectu reperta, curabunt vt de ea publicum fiat documentum per Magistrum ceremoniarum rogandum, & post huiusmodi documentum; etiam si conclaue in totum, vel pro parte de facto apertum, fuisse reperiatur, semper tamen clausum, & pro clauso censi; & haberi debet ad effectum validitatis electionis, donec de cōsensu duarum partium Cardinalium præsentium, per secreta suffragia apertum esse declaretur. Hæc tamē declaratio, electioni, quæ ante ipsam facta fuerit, nullatenus præiudicare debet, neque ob ipsam declarationem, præcedens electio impugnari potest. Manē sequenti post clausum præcedenti nocte conclaue post solitum campanulæ sonum, conueniunt Cardinales in eo præsentis, qui infirmitate non sunt impediti, ad Capellam Paulinam, & ibi celebrata cōsue-  
ta Missa, & facta Cardinalium communionem, statim ad negotium electionis procedere debent, quod quidem hodie ex Greg. Constit. vno tantum ex tribus modis, siue formis peragendum est, alioquin electio, nullitatis vitio subiacet; Primus modus est, qui quasi per inspirationem vocatur, quando scilicet omnes Cardinales, quasi afflati Spiritu sancto, aliquem vnanimiter, & viua voce Summum Pont. proclamant; circa quem modum, ex Constitutione Gregoriana, infra scripta notari possunt. Primū, hæc forma electionis praticari potest solum in cōclau, & eo clauso. Secundū, debet fieri electio secundum hanc formā ab omnibus, & singulis Cardinalibus in conclau præsentibus. Tertiū, communiter, & nemine eorum dissentiente. Quartū, nullo præcedente de persona  
spe-

speciali tractatu, & per verbum (eligo) intelligibili voce prolatum, aut scripto expressum, si voce non possit proferri, exemplum autem huius potest esse huiusmodi. Si aliquis patrum, clauso conclavi, nullo, ut præfetur præcedente speciali tractatu, diceret, Reuerendissimi Domini perspecta singulari virtute, & probitate Reuerendissimi. D. N. iudicarem illum eligendum esse in Summum Pontificem, & ex nunc ego ipsum eligo in Papam. Deinde hoc audito, si ceteri Patres nemine excepto, sequentes primi sententiam, eodem verbo (eligo) intelligibili voce prolato, aut si non potest, in scripto expresso, eundem N. de quo nullus specialis tractatus præcessit, cõmuniter eligerint, ipse N. esset canonicè electus, & verus Papa secundum hanc electionis formam, quæ dicitur per inspirationem, seu, ut in Sacris Canonibus scriptum est, quasi per inspirationem. Secundus modus, est per cõpromissum, quando scilicet Cardinales ad electionem per hanc formam, seu viam procedere volentes, committerent aliquibus ex patribus eligendi potestatem, ut vice omnium, Ecclesiæ Catholicæ provideant de Pastore, cuius formæ praxis potest esse huiusmodi. Primò omnes, & singuli Cardinales in conclavi clauso præsentem, nemine eorum dissentiente, in aliquos ex Patribus cõpromissum faciunt exempli gratia in hanc formam. In nomine Domini amen. Anno ab eiusdem & c. mense & c. die & c. Nos Episcopi, Presbyt. & Diaconi S. R. E. Cardinales omnes, & singuli in conclavi existentes, videlicet N. N. (& singillatim omnes nominentur Cardinales) elegimus, & eligimus per viam procedere cõpromissi, & vnanimiter, & cõcorditer, nemine discrepante, elegimus cõpromissarios N. N. & N. Cardinales, & c. quibus damus plenariâ facultatem, & potestatem providendi S. R. E. de Pastore, sub hac forma videlicet (Hic optimum erit, ut Cardinales cõpromittentes exprimant modum, & formam, secundum quam cõpromissarii debebunt eligere, & secundum quam electus debet censi verus, & legitimus Papa, ut puta, si electi sint tres cõpromissarii, declarandum est, an ad hoc, ut electio sit valida, prius proponere debeant Sacro Collegio personam, vel personas ab ipsis nominandas, seu nominandas ad Pontificatum; an verò absolutè debeant electionem peragere; an omnes tres debeant cõuenire in vnâ personam, an verò sufficiat, quòd duo in vnâ concordent, & an debeant nominare aliquem





de







de Collegio, vel etiam aliquem extra Collegiū, & alia his similia.) His autem, vel alijs similibus expressis, addi cōpromisso solet tempus, ad quod vsque volunt Cardinales, potestatem compromissarios habere eligendi, & postea subiunguntur hæc verba . Et promittimus nos illum pro Rom. Pontifice habituros, quem D.D. cōpromissarij secundum formam prædictam duxerint eligendum, vel alia ad formam cōpromissarijs præscriptam accommodata. Secundò, completo huiusmodi mandato compromissarij ad partem in aliquo loco separato se cōferunt, & de electione facienda tractāt, & solet inter eos præmitti protestatio, quod per quācumq. prolationem verborum, suum dare consensum non intelligunt, nisi in scriptis illum expressè ponant. Et hæc protestatio, videtur necessaria inter compromissarios, vt verbis humanis, & reuerentialibus inter se, sine præiudicio vti possint. Tertiò, facta per compromissarios electione secundum formam eis præscriptam, & seruatis ijs, quæ Gregorius XV. in sua Constitut. iussit, electus per huiusmodi viam compromissi est canonicus, & verus Papa. Tertius modus, seu forma electionis Rom. Pont. est, quæ vocatur per Scrutinium, vel per Scrutinium, & Accessum, cuius formæ ritus secundū Gregorianam Constitutionem, quæ vult non solum Scrutinium fieri secretum, sed etiam accessum, cōtinet tres actiones, alteram, quæ antescrutinium, alteram, quæ scrutiniū, & tertiam, quæ post scrutinium appellari potest. Ante scrutiniij actus sunt quinque. videlicet Præparatio schedularum Scrutinij, & Accessus; Extractio Scrutatorum, & deputatorum pro votis infirmorum per sortem; Scriptio schedularum scrutiniij; Earum complicatio, & obsignatio. Schematizatio præparatio ad Magistros cæremoniarū pertinet, qui eas impressas, vbi fieri poterit, alioquin vnus manuscriptoras secundū formam inferius describendam accipient, tam pro Scrutinio, quā pro Accessu, & ponent in duobus discis vulgo (bacili) nuncupatis, quos in mensa ante Altare collocabunt, vt inde possint Cardinales, cum opus fuerit, schedulas sumere. Forma autem schedulæ Scrutinij quodad eius figuram attinet, erit altera parte longior, hoc est plus longa, quā lata; longitudo eius, erit ferè palmi, latitudo autem dimidij palmi; Quo verò ad contenta in ea, in anteriori eius parte, quæ breuitatis gratia facies nominari potest, tria continere debet; Primò in superiori parte secundū  
eius

eius latitudinem, duo hæc verba (Ego Card.) cum tanta ab inuicem distantia, vt inter ipsa, nomen proprium Cardinalis eligentis scribi possit, & paulò inferiùs duos circulos paruos, ad loca sigillorū indicanda. Secundò, in medio continere debet hæc verba. Eligo in Summū Pontificem Reuerendiss. D. meum. D. Cardinalē. Tertiò, in parte inferiori, alios duos paruos circulos, ad loca sigillorum similiter demonstranda. Forma vero schedulę accessus, eadem prorsus est, quæ scrutiniij, nisi, quòd in medio eius loco verborum (Eligo in Summum Pont. Reuerendiss. D. meum D. Card.) ponuntur hæc verba (Accedo Reu.<sup>mo</sup> D. meo D. Card.) verū faciliùs, quę dicta sunt, percipientur ex infra scriptis figuris, & exēplis.

### Exemplum faciei S. schedulæ Scrutiniij.





	Ego	Card.	
	Eligo in Summum Pontificem R. D. meum D. Cardin.		
			
	18. Gloria in Excelsis.		

## Exemplum faciei Scheduling Accessus.

	Ego	Card.	
			
Accedo Reuerendis. D. meo D. Card.			
			

In exteriori autem parte Schedulingarū tam Scrutinij quā Accessus, quæ tergū nominari potest, duo sunt imprimēdi limbi ex illis, quos ad ornatū librorū impressos adhibent, & vulgari vocabulo, *fregi*, nuncupant, quorū primum circa sui medium continet hoc verbum, *Nomen*, impressam secundū longitudinem ipsius limbi; alterum verò continet hoc verbum, *Signa*, similiter impressum, ut præcedens. Hi autem limbi excogitati ad obscurandum diaphanū paginarum, ne scilicet ad lumen, nomina, & signa eligentium cōspici possint; vbi verò impressoris copia non fuerit, limborū defectus, lineis suppleri poterit; Sed hæc fient clariora per infrapositam figuram tergū Schedulingarum Scrutinij, & Accessus.

Exem-

	nomen	
	signa	





Secundus actus antescrutinij, est extractio Scrutatorum, & deputatorū pro votis infirmorum, quæ extractio antequam ad scrutinium procedatur, sorte faciendā est, hoc modo. In vno sacculo, aut vase, publicè ponantur tot schedæ, vel si magis placet spherulæ lignæ palam numeratæ, quot sunt Cardinales præsentēs in Conclauī, cum eorum nominibus: deinde per vltimum Diaconū extrahantur primò Scrutatores tres, & postea tres Deputati pro votis infirmorū, qui breuitatis gratia Infirmary appellari possunt, de quorum omnium officio inferiūs suo loco scribetur, quod si in

**extra-**  
**rum,**  
**ob in-**  
**is fac-**  
**Peracta**  
**si fuerunt,**  
**actus**  
**hoc in**  
**atramen-**  
**conspici**  
**nales per**  
**bellis paratis,**  
**scribet**  
**(Ego Cardin.)**  
**te, nomen**  
**potest**  
**&**  
 cione Scrutatorum, & Infirmiorum, ac etiam Recognito-  
 de quibus suo loco dicitur, extracti fuerint Cardinales, qui  
 firmitatem, aliudve impedimentum muneribus prædictis sa-  
 tisfacere non possint, alij non impediti, loco illorum extrahantur;  
 Peracta verò extractione, schedæ, seu spherulæ eorum, qui extra-  
 si fuerunt, in sacculum, seu in vas iterum conijciantur. Tertius  
 actus antescrutinij, est schedularum Scrutinij scriptio, quæ fiet  
 hoc modo. Ad duas, vel plures paruas mensas, quæ erunt cum  
 atramento, & calamis paratæ in loco Capellæ apto, ut qui scribunt  
 conspici possint, quid verò scribitur, non possit, accedent Cardi-  
 nales per ordinem, incipiendo à Decano, & ibi sedentes in sca-  
 bellis paratis, schedulam quisque suam acceptam prius ex disco,  
 scribet hoc modo. Primò in prima parte in spatio inter verba,  
 (Ego Cardin.) scribet proprium nomen; deinde in secunda par-  
 te, nomen illius, quem eligit, caractere tamen, quantum fieri  
 potest, & caueat, ne plures in schedula scribat, quia suffra-  
 gium iuxta Gregorianam Constitutionem esset  
 nullum. In tertia verò parte signa, hoc est  
 numerum aliquem, & dictum aliquod  
 scripturæ, seu verbum, aut ali-  
 quid huiusmodi, ut in exem-  
 plo pro faciliori intel-  
 ligentia oculis  
 subiecto,  
 videre  
 est.

Exem-

32

Exemplum Schemulæ Scrutinij scriptæ.

	Ego Bonifacius Card. Caetanus	
		
	Eligo in Summum Pontificem R. <sup>m</sup> D. meum D. Cardin. Baronium	
		
18. Gloria in excelsis		

Quartus actus ante scrutinij, est schemularum complicatio, quæ ut expeditius peragi à Card. valeat, poterit à Cæremoniarijs Magistris, cum eas præparant fieri in hunc, qui sequitur modum. Binæ sient plicaturæ, ex utraq; parte cuiusque schemulæ, ita ut nomen eligentis, & signa cum fuerint scripta, maneant recta ex utraque parte à limbis; deinde quod reliquum est ita complicitur, ut schemula ferè ad latitudinem pollicis redigatur, prout ex complicata schemula, quæ hic exempli gratia ponitur, conspici potest.

Cete-

Cæterum Magistri carceronarum schedulas, nõ complicatas, vt <sup>supra</sup> sed explicatas, & cum cera rubra in paruis circulis, ponent in discis; & Cardinales postquam eas, vt supra scripserint, eod̃ vsque solũ plicabunt, quod nomen, & signa eligentis tegantur, reliquas autem plicaturas tunc facient, cum schedulas, vt infra dicetur, obsignauerit.

**Quintus**, & postremus actus antescrutinij, est schedularum obsignatio, quæ ab vnoquoq; Cardinali facienda erit in tergo schedularum cum sigillo ad hoc parato, in loco paruorum circulorum vbi cera fuerit posita. Porro sigillum non debet esse solum Cardinalis, sed aliud, & secrete habitum, & ita simplex, vt facile notari possit, veluti, si in sigillo sculpanatur, aut tres numeri, aut tres literæ, vel literæ, & numeri, vel vnã tantum imago, & hæc de antescrutinio sufficiant; Cæterum, quod attinet ad Cardinales infirmos, aut aliter impeditos, inferius suo loco dicetur. Sequitur secunda actio, quæ nomine Scrutinij appellata fuit. Octo sunt huius actionis actus, videlicet, Delatio schedulæ, Iuramenti præstatio, Positio schedulæ in Calicem, Scheduling mixtio, Earũ numeratio, Scrutinij publicatio, Scheduling in filum insertio, Earumque depositio seorsum. Delatio schedulæ, & duo sequentes actus, qui melius simul describuntur ob eorum connexitatem; hoc modo fient. Quilibet Cardinalis propriam schedulam postquam illam scripserit, obsignauerit, & complicauerit, duobus primis digitis sumet, ac eleuata manu palam deferet ad Altare, penes quod stant Scrutatores, & in quo est calix magnus ad recipiendas schedulas paratus, & patena coopertus, ibique genuflexus, aliquantulum orabit; deinde surgens alta, & intelligibili voce, iurabit in hanc formam, quæ in tabella super Altari posita descripta habetur: Testor Christum Dominum, qui me iudicaturus est, me eligere, quem secundum Deum iudico eligi debere; & quod idem in Accessu præstabo. Post hæc schedulam in patenam ponet, & per patenam mittet in calicem, quo facto inclinabit se ad Altare, & ad suum locum reuertetur. Et hæc seruanda erunt, si Cardinalis ad Altare pergere possit; nam si ob infirmam valetudinem non possit, & præsens in Capella sit, vltimis Scrutator discum cum schedulis ad eum deferet, ex quo Cardinalis infirmus, vnã accipiens, eam in loco suo secrete, vt supra

supra dictum est, conficiet; deinde prævio iuramento prædicto  
 schedulam obsegnatam; & complicatam, eidem Scrutatori tra-  
 det, quæ eam palam deferet, ad Altare & sine oratione, & iura-  
 mento in patenam ponet, & per eam in calicem mittet; quæ om-  
 nia obseruanda erunt per vltimum Scrutatorem erga eos Cardi-  
 nales, qui in Capella præsentés sibi valitudinem ad Altare per-  
 gere non poterunt. Si vero aliqui Cardinales infirmi sint in suis  
 cellis, tres Cardin. Infirmarij, vt supra extracti, ad eos accedent  
 cum capsula altitudine vnus palmi, in cuius superiori parte sit  
 rima, seu foramen, eius magnitudinis, vt per illud schedula cõ-  
 plicata possit per suam latitudinem intus capsulam transmitti;  
 quam capsulam, antequam Scrutatores Infirmarijs tradant, palam  
 aperient, vt cæteri Cardinales possint eam inanem, & vacuam,  
 conspicerè, deinde claudent, & clauem ponent super Altare; de-  
 inde Infirmarij cum capsula clausa, & cum paruo disco tot sche-  
 dulas continente, quot sunt infirmi Card. ad vnumquemq. eorum  
 accedent; & infirmi acceptas ex disco schedulas, secretè scribēt,  
 obsegnabunt, & complicabunt, & prævio iam dicto iuramento, in  
 capsulam per rimam mittent; quòd si infirmi, scribere nõ possint,  
 alij eorum arbitrio deligendi, præstito de secreto seruando in  
 manibus infirmiorum iuramento, prædicta facient, atque hi ad-  
 uertere debent, quod non solum iuramenti vinculo tenentur ser-  
 uare secretum, sed etiam in excommunicationem latæ sententiæ,  
 si contrafecerint, incurrunt. His peractis, infirmarij ad Capellam  
 reuertentur cum capsula, quam scrutatores aperient, & schedulas  
 in ea contentas, palam numerabunt, & tot repertas, quot sunt in-  
 firmi, ponent singillatim in patenam, & per patenam simul omnes  
 in calicē. Nè autem nimis in longum protrahatur Scrutinij actio,  
 Infirmarij poterunt proprias schedulas post Decanum conficere,  
 & in calicem ponere, deinde dum cæteri Cardinales scrutinium  
 agunt, ad infirmos pergere ad accipienda eorum suffragia eo mo-  
 do, quo proximè ante dictū est. Quartus actus Scrutinij, est sche-  
 dularum permixtio, quæ fiet per primum scrutatorem, calice in  
 quo ipsæ schedulæ positæ fuerunt, patena cooperto plurics agita-  
 to. Quintus actus, est numeratio schedularum, quæ palam fiet per  
 vltimum scrutatorem capiendò singillatim vnamquamq. schedu-  
 lam ex calice, eamque ponendo in alium, qui ad hoc paratus sit,  
 cali-



**24**  
**calicem** vacuum. Quod si numerus **schedularum**, non respondeat  
**numero** Card. omnes comburendæ sunt, & iterum, idest secunda  
**vice**, ad suffragia statim est deueniendum. Si verò numerus **sche-**  
**dularum**, numero Card. respondeat, prosequendi sunt alij actus  
**Scrutinij**. Sextus actus, est publicatio **Scrutinij**, quæ per **Scrutato-**  
**res**, qui sedeat ad mensam ante Altare positam, fiet hoc modo: Pri-  
**mus** scrutator accipiet vnā schedulam, eamq. intactis sigillis ex-  
**plicabit**, & viso in ea schedula electi nomine, eam tradet secundo  
**Scrutatori**, qui pariter, eodem electi nomine perspecto, eandem  
**tradet** tertio, qui illam alia, & intelligibili voce perleget, vt om-  
**nes** Card. presentes notare possint suffragium in folio impresso,  
 quod penes se habebunt cū nominibus omniū Card. notabit au-  
 tem iuxta nomen Card. ex schedula recitari: Idem faciendum erit  
 de cæteris schedulis in calice positis, vsque ad vltimum; Quod si  
 in **Scrutinij** publicatione, inueniant **Scrutatores** duas schedulas  
 ita complicatas, vt ab vno tantum datas fuisse appareat, siquidem  
 vnus, & idem in vtraque electus fuerit, schedulæ prædictæ ha-  
 bebunt, & notabuntur pro vno suffragio; si verò diuersi fuerint  
 nominati, neutrum suffragium validum erit, prout in Bulla Gre-  
 goriana statuitur de illa schedula, in qua plures nominati sunt  
**Scrutinium** tamen neutro casu vitatur. Cæterum suffragia nomi-  
 nati, finita **Scrutinij** publicatione, poterunt à Patribus iuxta no-  
 mina Cardinalium, qui ea obtinuerunt, in vnā summam redigi,  
 vel in separato folio notari, hoc modo. Reuerendiss. D. Cardinalis  
 A. habet suffragia 20. & Reuerendiss. D. Cardinalis B. habet suffra-  
 gia 15. & sic de alijs; quod si, ne Cardinales cū opus est cogan-  
 tur semper numerare suffragia, quæ iuxta nomina Card. notarunt.  
 Septimus actus **Scrutinij**, est **schedularum** in filum insertio, quæ,  
 vt schedulæ ipsæ cautius conservari possint, excogitata fuit. Hæc  
 autem insertio fiet per vltimum **Scrutatore**m; inferendo schedu-  
 lam vnāquamq. postquam eam perlegit, acu cum filo ad hunc  
 effectum parato, in loco, vbi est verbum Eligo. Octauus, & pos-  
 tremus **Scrutinij** actus, est depositio **schedularum** seorsum, quæ  
 similiter fiet per vltimum **Scrutatore**m, qui finita insertione om-  
 nium **schedularum** in filum, capita fili nodo iunget, & schedu-  
 las omnes ita colligatas, in alium calicem vacuum, vel in men-  
 sa seorsum ponet. Sequitur tertia, & postrema actio, quæ Post-  
 scruti-

scrutinium appellata fuit, cuius actus, si secuta sit electio per scrutinium, tres tantum sunt, videlicet, Numeratio schedularum, Recognitio suffragiorum, Et schedularum combustio, de quibus inferius suis locis dicetur. Si verò per Scrutinium non sit secuta electio, actus sunt septem videlicet, Accessus; Sigillorum, & signorum in aperitio; Eorum annotatio; Suffragiorum examen; Suffragiorum scrutinij, vel scrutinij, & accessus numeratio; Eorum recognitio; & schedularum combustio. Primus itaque actus, est Accessus, qui immediatè post scrutinium, hoc est, post depositas seorsum scrutinij schedulas fiet nisi fortè in scrutinio fuerit creatus Papa; tunc enim nullus fieri debet accessus; In quo quidem accessu eadem omnia seruanda sunt à Cardinalibus, quæ dicta sunt seruari debere in scrutinio peragendo tam in schedularum scripturae, obsignatione, complicatione, delatione, & positione in calicem, quàm in earum numeratione publicatione, notatione suffragiorum, & insertione in filum, ac depositione seorsum: exceptis tamen infra scriptis. Primò, quod Cardinales, schedulas pro accessu, sumere debent ex disco schedularum accessus; Secundò in schedularum accessus scriptura si Cardinalis nemini vellet accedere, debet in media schedulae parte, loco nominis Cardinalis, qui scribendus esset, si ad eum fieret accessus, scribere, Nemini, Scheda autem accessus scribi, & obsignari debet cum eisdem sigillis, & signis schedulae scrutinij, sub poena nullitatis suffragij ipsius accessus; Tertiò, quod non potest accessus fieri ad eum Cardinalem, qui in Scrutinio saltem vnum suffragium non obtinuerit, neque ad eum, qui ab ipso Cardinali fuit in scrutinio nominatus; Quartò, quamuis in accessu non liceat plures nominare, sicut non licet in scrutinio plures eligere, sub poena nullitatis suffragij, tàm in accessu, quàm in scrutinio; nihilominus licebit accedere vni ex pluribus nulliter à se nominatis in scrutinio, dummodo ei ab alio aliquod suffragium, non tamen nulliter, ut praefertur, in ipso scrutinio illarum fuerit. Quintò, quod in accessu non praestatur iuramentum, de quo supra, quia in Scrutinio fuit iam praestitum per illa verba: (Et quod idem in accessu praestabo) Sextò, denique infirmarij deferre debent ad infirmos schedulas accessus, & simul etiam vnum folium impressum, in quo sit notatus suffragiorum numerus palam recogniti, & quæ quisque Card. in scrutinio nominatus; obtinuerit,

Secundus, tertius, & quartus actus post scrutinij sunt Sigillorum,  
 & Signorum aperitio, Eorum annotatio, Suffragiorum examen.  
 qui tunc solum locum habere possunt, quando secuta est electio.  
 per scrutinium, & accessum: fieri autem debent hoc modo. Pri-  
 mus Scrutator schedulas accessum, quos obtinuit electus, in ea  
 parte solum, quæ signa continet, aperiet, & inspectis diligenter  
 earum sigillis, & signis, apertas, ac in filo, vt erant insertas; tra-  
 det secundo Scrutatori, & secundus, eadem inspectione facta, por-  
 rigeret tertio, qui alta, & intelligibili voce, sigilla, & signa prædi-  
 ctarum schedularum enunciabit, & annotabit in latere sinistro foli-  
 ij impressi, ad hunc effectum parati, sub verbis, (Sigilla, & si-  
 gna accessum) quam etiam annotationem facient ceteri Cardina-  
 les, si voluerint, in simili folio impresso. Deinde primus Scruta-  
 tor, reliquis Scrutatoribus inspicientibus, pro accessum præ-  
 dictorum examine capiet schedulas scrutinij, & incipiens ab vno  
 capite filii, in quo insertæ sunt, sigillum primæ eius schedulæ qua-  
 ret in sigillis accessum notatis, vt supra in folio impresso, & si il-  
 lud in eo non inuenerit, omiſsa prima scrutinij schedula, capiet  
 secundam, eiusque sigillum similiter quaeret; quod si etiam non  
 inuenerit, capiet tertiam, & deinde sequentes singillarim, donec  
 sigillum alicuius earum inueniat; eoque inuento, scrutinij schedu-  
 lā in ea parte, vbi signa sunt, aperiet, & si nō inuenerit signa huius  
 schedulæ concordare cū signis accessus, schedulam illam omittet,  
 & aliā capiet sicut paulo ante de schedulis non concordantibus in  
 sigillo dictum est: si verō inuenerit signa concordare, ostendet illa  
 secundo, & tertio Scrutatoribus, qui vnā cum ipsis, post diligens  
 examen super idēitate sigillorum, & signorum ambarum schedu-  
 larum scrutinij, scilicet, & accessus, inspiciet, an idem, vel diuersi in  
 vtraque schedula sint nominati, & si idem nominatus sit, suffragiū  
 accessus, nullum censebitur, si verō diuersi nominati sint, suffragiū  
 accessus, pro valido habebitur, & hoc casu, tertius Scrutator sigil-  
 lum, & signa schedulæ scrutinij, ac etiam nomen electi, qui in ea  
 continetur, alta, & intelligibili voce enunciabit, & annotabit in la-  
 tere dextero prædicti folij impressi, sub verbis (Sigilla, & signa  
 scrutinij respondentia accessibus) notabit autem ea, ex aduerso,  
 accessus concordantis in sigillo, & signis; quam annotationem cē-  
 teri quoque Card. si voluerint, in simili folio impresso facient. Sed  
 hu-

27

huiusmodi actus, qui explicatione difficiliore sunt, quàm operatione, exemplo melius percipientur.

## E X E M P L V M

*Folij impressi, in quo Accessus, & Scrutinij, Sigilla, ac Signa concordantia annotantur.*

*Sigilla, & Signa Accessuum.*

*Sigilla, & Signa Scrutinij Accessibus respondentia.*

*Cardinales nominati in Scrutinio.*

ACD. 43. Deus.

BRF. 32. Bonitas.

RGI. 50. Beatitudo.

N.S.P. 26. Gloria.

BRF. 32. Bonitas.

RGI. 50. Beatitudo.

Card. S. Eusebij.

Card. S. Sixti.


Quod si fortasse in ista inquisitione contingat duas, vel plures schedulas scrutinij, reperiri cū eisdē sigillis, & signis alicuius schedulæ accessus, tunc si in earum aliqua, electus nominatus fuerit, in alia verò alius, primus Scrutator reliquis Scrutatoribus similiter inspicientibus scrutinij schedulas huiusmodi, & schedulæ accessus, in ea etiā parte, in qua est nomen eligentis, & accedentis, aperiet, ut constare possit secundum Gregorianā Constitutionē de validitate, vel inualiditate accessus; si verò in aliqua huiusmodi schedularū scrutinij concordantiū cum accessu, nō sit nominatus electus, debent eæ schedulæ omitti, & ad subsequentes procedendū erit. Quintus actus post scrutinij, est numeratio suffragiorū, vel scrutinij solius, vel scrutinij, & accessus, quæ fiet per Scrutatores sēper, siue secuta sit electio, siue nō, & si quidē secuta non sit electio, ut sciatur, quod in eo scrutinio, vel in scrutinio, & accessu, non habetur Papa; si verò secuta sit, ut cōstet de canonica Pontificis electione, fiet autem hæc numeratio suffragiorum hoc modo. Scrutatores in vnam summā, redigent suffragia, quæ quilibet nominatus in Pontificem obtinuit, siue in scrutinio solo, siue in scrutinio, & ac-

**cessu** simul; & si inuenerint nullum ex nominatis ad duas tertias  
**partes** suffragiorum peruenisse, non habetur Papa in illo scruti-  
**nio**, siue scrutinio, & accessu; Si uero inuenerint aliquem ex no-  
**minatis**, duas tantum partes suffragiorum obtinuisse, aperient ele-  
**cti** schedulam, etiam in ea parte, in qua est nomen eligentis; & si  
**quidem** ex ea apparuerit, electum alij suffragarum fuisse, electio  
**electio** erit canonica; si uero constiterit sibi suffragium dedisse, eius  
**electio** ex dispositione Gregorianæ Constitutionis nulla erit ob  
**defectum** unius suffragij. Si denique plures inuenerint duas ter-  
**tias** partes suffragiorum obtinuisse, uel etiam ultra duas tertias  
**tunc** in suffragiorum paritate, nullus erit electus, in imparitate  
**uero**, ille est canonicus Papa, qui superat alium etiam in suffra-  
**gio**. Sextus actus post scrutinij, est Recognitio, quæ per Recogni-  
**tores**, siue secuta sit electio, siue non, fiet; inspiciendotam sch e-  
**dulas** scrutinij, & accessus, quàm suffragiorum annotationes fi-  
**ctas** per Scrutatores, ut per huiusmodi recognitionem constare  
**possit**, an Scrutatores sincerè, & fideliter muneri suo satisfecerint:  
**Recognitores** autem extrahentur sorte, ut Scrutatores, & Infirma-  
**rii**, statim quidem post scrutinium; si secuta sit in eo electio; si ve-  
**rò non** sit secuta post scrutinium, & accessum, cum scilicet Scruta-  
**tores** suum implerent munus per numerationem suffragiorum, &  
**hæc** extractio fiet, siue secuta sit electio in scrutinio, & accessu, siue  
**non**. Septimus, & postremus actus post scrutinij, est cõbustio om-  
**nium** schedularum, quæ semper, & palam per Scrutatores fiet, ac  
**statim** post recognitionem, siue electio sit secuta, siue non. Et hæc  
**omnia**, quæ de scrutinij ritibus sunt exposita, seruanda erunt dili-  
**genter** à Cardinalibus in omnibus scrutinij, siue fiant manè post  
**Missam**, siue uespere post Hymnum (Veni Creator Spiritus) Atq;  
**hi sunt** Ritus ex præscripto Constitutionis Gregorij Papæ XV. in  
**electione** Romani Pontificis obseruandi. Motu itaque proprio, &  
**ex certa** scientia nostra, ac de Apostolica potestate plenitudine,  
**omnia**, & singula in prædicto Cæremoniali ordinata, & quomodo-  
**libet** contenta tenore præsentium perpetuò approbamus, & confir-  
**mamus**; illisq; omnibus, & singulis, perpetuè, & inuiolabilis Apo-  
**stolicæ** firmitatis robur adijcimus; eaq; à Vnâ Fratribus nostris S.  
**R. E.** Cardinalibus omnibusq; & singulis alijs, ad quos spectat, &  
**spectare** quomodolibet poterit in futurum, omninò obseruari præ-  
ci-

**cupimus, & mandamus; ac Cæremoniale huiusmodi, In totum, vel**  
**in parte mutari, vel ei aliquid addi prohibemus. Decernentes sic,**  
**& non aliter per quoscumque, ac eosdem S.R.E. Cardinales, su-**  
**blata eis, & eorum cuilibet quauis aliter iudicandi, & interpre-**  
**tandi facultate, & auctoritate, vbique iudicari, & diffiniri debere.**  
**Non obstantibus omnibus illis, quæ in primo dicta Constitutio-**  
**ne volumus non ob stare, cæterisque contrariis quibuscunq; Nul-**  
**li ergo omnino hominum liceat hanc paginã nostræ approbatio-**  
**nis, confirmationis, adiectionis, præcepti, mandati, prohibitionis,**  
**& decreti infringere, vel ei ausu temerario contraire; Si quis au-**  
**tem hoc attentare præsumpserit, indignationẽ omnipotentis Dei,**  
**ac Beatorum Petri, & Pauli Apostolorum eius se nouerit incurfu-**  
**rum. Dat. Romæ apud Sanctum Petrum, Anno Incarnationis Do-**  
**minicæ Millesimo sexcentesimo vigesimo primo, quarto Idus**  
**Martij, Pontificatus nostri Anno II. Nos qui vt rei tam arduæ ne-**  
**gocium ritè, & rectè procederet, & absolueretur intèntis studijs**  
**desiderauimus, cum primum (nulli licet suffragantibus meritis)**  
**ad Summi Apostolatus apicem assumpti fuimus animo reuoluen-**  
**tes quantam in omnium animis Constitutionis exequutio, & Cæ-**  
**remonialis prædictorum vsus approbationem excitaret, vt Consti-**  
**tutio, & Cæremoniale prædicta nostra etiam Confirmatione robo-**  
**rata inuiolabiliter semper obseruentur providere cupientes, ex-**  
**mera animi nostri deliberatione, & de Apostolicæ potestatis plen-**  
**itudine, ac de Vcũ Fratrum nostrorum S.R.E. Cardinalium con-**  
**silio, & assensu, Constitutionem, & Cæremoniale prædicta cum**  
**omnibus, & singulis in eis, & eorum quolibet contentis clausu-**  
**lis, & decretis hac nostra perpetuò valitura constitutione Aposto-**  
**lica auctoritate perpetuò confirmamus, & approbamus, eaq; etiã**  
**perpetuò in omnibus futuris Romanorũ Pontificum electionibus**  
**firmiter, & inuiolabiliter obseruari præcipimus, & mādamus, ac de**  
**rogationem in eadem Constitutione dicti Gregorij prædecessoris**  
**insertam semper vigere, suamq; vim perpetuis futuris tẽporibus**  
**obtinere decernimus, nõ obstantibus quatenus opus sit, ea in parte**  
**qua præsentibus aduersentur recolẽdæ memoriæ Alexandri Pape**  
**Tertij similiter prædecessoris nostri in Lateranẽ, quæ incipit Li-**  
**cet de vitanda, & quibuscunq; alijs etiam in vniuersalibus Con-**  
**cilijs editis Constitutionibus, & Ordinationibus Apostolicis, & Cõ-**  
**sue-**

30  
 sed et in illis etiam immemorabilibus, ac omnibus illis, quæ di-  
 ctus Gregorius prædecessor in Constitutione, & Cæremonialis  
 Confirmatione prædictis voluit non ob stare; quibus omnibus,  
 etiam si de illis, eorumque totis tenoribus specialis, specifica, &  
 expressa, non autem per clausulas generales idem importantes  
 mentio, seu quævis alia expressio ad hoc seruanda foret, omnium,  
 & singulorum tenores, ac si de verbo ad verbum exprimerentur,  
 & infererentur præsentibus pro sufficienter expressis, & insertis ha-  
 bentes, illis quoad reliqua omnia, quæ Constitutioni dicti Gre-  
 gorij, & Cæremoniali prædictis, & huic nostro præcepto manda-  
 to, & decreto non sunt repugnantia in suo robore permansuris  
 harum serie de simili plenitudine potestatis derogamus, & dero-  
 gatum esse volumus, & hanc nostram derogationem suum pariter  
 effectum perpetuò consequi iubemus, caterisque contrariis qui-  
 buscunque. Nulli ergò omnino hominum liceat hanc paginam  
 nostræ confirmationis, approbationis, præcepti, mandati, decre-  
 ti, derogationis, voluntatis, & iussionis infringere, vel ei ausu te-  
 merario contraire. Si quis autem hoc attentare præsumpserit in-  
 dignationem omnipotentis Dei, ac Beatorum Petri, & Pauli  
 Apostolorum eius se noverit incursurum. Dat. Romæ apud S. Pe-  
 trum Anno Incarnationis Dominicæ Millesimo sexcentesimo vi-  
 gesimo, quinto, quinto Kal. Februarij Põtificatus Nostri Anno III.

✠ Ego Urbanus Catholice Ecclesiæ Episcopus.



✠ Ego

✠ Ego **Franciscus** Maria Episcopus Ostiensis S. R. E. Card. à  
Monte promitto, voueo, & iuro.

✠ Ego **Ostavius** Episcopus Portuens. S. R. E. Cardinalis Bandi-  
nus promitto, voueo, & iuro.

✠ Ego **Io. Baptista** Episcopus Albanens. S. R. E. Cardinalis Detus  
promitto, voueo, & iuro.

✠ Ego **B.** Episcopus Sabineñ Cardin. Benilaqua promitto, vo-  
ueo, & iuro.

✠ Ego **A.** Episcopus Prænестinus Cardinalis Perettus promitto,  
voueo, & iuro.

✠

✠

✠

✠ Ego **Dominicus** Cardinalis Gimnastus tit. S. Laurentij in Lu-  
cina promitto, voueo, & iuro.

✠

✠ Ego **C.** Card. Madrutius tit. S. Caesarei, promitto, voueo, &  
iuro.

✠

✠ Ego **Scipio** tit. S. Grisogoni Presbyter Cardinalis Burghesius  
Maior Pœnitentiarius, promitto, voueo, & iuro.

✠ Ego **Io. Garcia** tit. SS. Quatuor Coronatorum Presbyter Cardi-  
nalis Millinus promitto, voueo, & iuro.

✠ Ego **Marcellus** tit. SS. Quirici, & Iulittæ Presbyter Card. Lan-  
tes promitto, voueo, & iuro.

✠

✠ Ego **Ioannes Baptista** tit. S. Cecilie Presbyter Cardin. Lenius  
promitto voueo, & iuro.

✠

✠ Ego **D.** tit. S. Martini in Montibus Card. Riuarola promitto,  
voueo, & iuro.

✠

✠ Ego **Fr. Augustinus** S. R. E. Presbyter Card. tit. S. Mariæ de  
Aracœli promitto, voueo, & iuro.

✠ Ego **Gaspar** tit. S. Crucis in Hierusalem Presbyter Cardinalis  
Borgia promitto, voueo, & iuro.

✠ Ego



✠ **Ego** Fr. Felix tit. S. Anastasie Presbyter Cardinalis Asculanus  
promitto, voueo, & iuro.

✠ **Ego** Gabriel tit. S. Bartholomaei in Insula Presbyter Cardina-  
lis de Trejo promitto, voueo, & iuro.

✠ **Ego** I. tit. S. Sabinæ Presbyter Cardinalis Sabellus promitto,  
voueo, & iuro.

✠ **Ego** M. tit. S. Mariæ de Pace Cardinalis Klefelius promitto,  
voueo, & iuro.

✠ **Ego** S. Presbyter Cardinalis S. Susannæ S. R. E. Bibliotheca-  
rius promitto, voueo, & iuro.

✠ **Ego** Guido tit. S. Mariæ de Populo Cardinalis Bentiuolus pro-  
mitto, voueo, & iuro.

✠ **Ego** F. Desiderius tit. Basilicæ SS. Duodecim Apostolorum  
Cardinalis de Cremona promitto, voueo, & iuro.

✠ **Ego** L. tit. S. Laurentij in Damaso Presbyter Cardinalis Ludo-  
uicus S. R. E. Vicecancellarius, & Sanctiss. D. N. Summator  
promitto, voueo, & iuro.

✠ **Ego** Cosmus tit. S. Pancratii Presbyter Cardinalis de Torres  
promitto, voueo, & iuro.

✠ **Ego** F. A. Cardinalis S. Honufrii S. R. E. Presbyter Cardinalis  
promitto, voueo, & iuro.

✠ **Ego** Laurentius tit. S. M. in Aquiro Presbyter S. R. E. Cardina-  
lis Magalottus, promitto voueo, & iuro.

✠ **Ego** Aloysius tit. S. Pudencianæ Presbyter S. R. E. Cardinalis  
Caletanus promitto, voueo, & iuro.

✠ **Ego** Dionysius tit. Sanctiss. Trinitatis in Monte Pincio Car-  
dinalis de Marquemont promitto, voueo, & iuro.

✠ **Ego**

Ego Laudinius Cardinalis Sancti Sixti promitto, voueo, & iuro.

✠ Ego Io. Dominicus Spinula Cardinalis S. Clementis promitto, voueo, & iuro.

✠ Ego Iacobus Cauerius S.R.E. Presbyter Cardinalis S. Eusebii promitto, voueo, & iuro.

✠ Ego C. S. Mariae in Via lata Diac. Cardinalis Pius promitto,  
voveo, & iuro.

✠ Ego M. S. Eustachii Diac. Cardinalis de Sabaudia promitto,  
voveo, & iuro.

\* Ego Alexander S. Maria in Cosmedin Diac. Cardinalis Vr-  
nus promitto, voueo, & iuro.

✠ Ego Franciscus S. Angeli in foro piscium Diaconus Cardinalis Boncompagnus promitto, voueo, & iuro.

\* Ego Hippolytus S. Mariæ Nouæ Diaconus Cardinalis Aldo-  
brandinus Sanctæ Romanæ Ecclesiæ Camerarius promitto,  
voueo, & iuro.

✱ Ego P. Maria Burgheſius Diac. Cardinalis tit. S. Georgii pro-  
mitto, voueo, & iuro.

## Ego

34  
L. SS. Viti, & Modesti Diaconus Cardinalis Bisca pro-  
fator, vocat, & iaro.

Io. B. Bolognettus.

G. Montanus.

Registrata in Secretaria Breuium.

Anno à Natiuitate Domini Noſtri Ieſu Chriſti Milleſimo ſexcenteſimo  
vigeſimo ſexto, Indiſtione Nona, Die verò ſexta Menſis Iulij Pon-  
tificatus Sanctiſſimi in Chriſto Patris, & D.N.D. VRBANI Di-  
uina Præſidentia Papa VIII. Anno eius Tertio, ſupradicta litera  
teſta, & publicata fuerunt ad valvas Baſilicarum S. Ioannis Late-  
ran. Principis Apoſtolorum de Vrbe, Cancellaria Apoſtolica, &  
in acie Campi Flora, per me Tarquinium Maionum Curſorem, &  
per me Brandimartem Latinum Pralibati S. D. N. PP. ac Sanctæ  
Romana & Vniuerſalis Inquiſitionis Curſorem, &c.

Auguſtinus de Bolis Romanus pro D. Mag. DD. Curſ.

